

Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին թիվ 1707366170, 1707053955, 1807428525 որոշումներն անփոփոխ, իսկ վարչական բողոքն առանց բավարարման թողնելու մասին

<<13>> 03 2018թ. 124-16725-18/124-3669

ք. Երևան

ՀՀ ոստիկանության ճանապարհային ոստիկանության պետ, ոստիկանության գնդապետ Ե. Կարապետյանս, վերանայելով Լյուսյա Թովմասյանի դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Երևան քաղաքի Օրբելի Եղբայրների փողոցի 8-րդ շենքի 30-րդ բնակարանի բնակիչ Լյուսյա Թովմասյանը դիմումով իր անհամաձայնությունն է հայտնել Ճանապարհային ոստիկանության վարչական տույժ նշանակելու մասին թիվ 1707366170, 1707053955, 1807428525 որոշումների վերաբերյալ՝ նշելով, որ արագաչափ սարքը սխալ է աշխատում:

Դիմումի քննարկման արդյունքում պարզվել է, որ դիմումատուի փաստարկն անհիմն է և վարչական ակտերն անվավեր ճանաչելու հիմք չի կարող հանդիսանալ, քանի որ Հայաստանի Հանրապետությունում տեղադրված բոլոր արագաչափ սարքերը ստուգաչափված են Հայաստանի Հանրապետության էկոնոմիկայի նախարարության չափագիտության ազգային ինստիտուտի կողմից և դրանց արձանագրած արագությունը համապատասխանում է տրանսպորտային միջոցների փաստացի արագությանը, իսկ իրավախախտումներն ամրագրած լուսանկարներում նշված է տրանսպորտային միջոցի երթևեկության գոտին, ուղղությունը, ինչը չի կարող կասկածի տակ դնել իրավախախտումները նշված ժամանակահատվածում հենց այդ տրանսպորտային միջոցով կատարելու փաստը:

Այսպիսով՝ ակնհայտ է, որ Գեղարքունիքի մարզի Մ-4 80,5 կմ հատվածում գերազանցել է երթևեկության սահմանված արագությունը, որը նախատեսված է <<Վարչական իրավախախտումների վերաբերյալ>> ՀՀ օրենսգրքի 124.4-րդ հոդվածի 2-րդ և 3-րդ մասերով, հետևաբար վարչական պատասխանատվության ենթարկելու մասին թիվ 1707366170, 1707053955, 1807428525 որոշումներն իրավաչափ են և դրանք անվավեր ճանաչելու հիմքեր չկան:

Վարչական իրավախախտումների վերաբերյալ ՀՀ օրենսգրքի 32-րդ հոդվածի 3-րդ մասի համաձայն՝ այն դեպքերում, երբ ճանապարհային երթևեկության կանոնի խախտումն ամրագրվել է տեսանկարահանման կամ լուսանկարահանման միջոցով, ապա սույն օրենսգրքով նախատեսված վարչական պատասխանատվությունը կրում է տրանսպորտային միջոցի **սեփականատերը**, իսկ եթե տրանսպորտային միջոցը հանդիսանում է իրավաբանական անձի սեփականություն, ապա այն անձը, որին ամրացված է տրանսպորտային միջոցը կամ տրանսպորտային միջոցն ամրացնելու իրավասություն ունեցող անձը, **եթե չեն ապացուցում, որ խախտումը կատարել է այլ անձ**:

Ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Ճանապարհային ոստիկանության վարչական տույժ նշանակելու մասին թիվ 1707366170, 1707053955, 1807428525 որոշումները թողնել անփոփոխ, իսկ վարչական բողոքն առանց բավարարման:
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:
3. Սույն որոշման օրինակն ուղարկել Լյուսյա Թովմասյանին և ՃՈ ՏՄՀԽԱ կենտրոն: